

دینی ، علمی ، ادبی و اجتماعی

محفصل

سنه

۵

جلد

۵

۱۳۳۸

مجموعۃ سنیات اسلامیة

شیمدیلك عربی آیلری ابتدا سنده نشر اولونور .

صارف ، مدیری ، محرری :

جمادی الاولی

۱۳۴۳



جزء

۵۵

شرائط تحریر: اسلامک نفعنه خادم یازیلر مع التشکر قبول ونشر اولونور . یازانک شخصی دکل ، یازینک ماهیتی نظردقته آ لینیر . کوندمریله جک آثار اوقوناقلی ومختصرجه یازیش اولمالیدر . کلن یازیلردن شایان قبول کوروللر تاریخ صیراسیله درج ایدیلیر .
شرائط اشترای: هر سنه نك برنجی وایکینجی آلی آیلغندن اعتباراً آبونه قید اولونور .
سنه لکی پوسته اجرتیه برابر : ۱۰۰ ، آلی آیلغی : ۵۰ غروشدیر . ممالک اجنبیه ایچین ۲۰ و ۱۰ غروش علاوه سی لازمدیر .

محفصل

۱۳۳۸

مجموعه سنك پكن سنه لره عائد وپك چوق معلومات مفیده یی حاوی اولان نسخه لری منتظماً دیکیلیمش واوزه رلرینه قالین بررقاق پکیرلرله رك مجلد كتاب حاله كتیریلشدیر . خیرالایس اولایله جک بوتفیس كتابلردن برنجیسنك موجودی بیتیش ، ۱۲-۷ نجی نسخه لری پراکنده اولارق قالشدیر . هر نسخه سی ۱۰ غروشدیر .
۳،۲ و ۳،۲ نجی جلدلرک بدلی ده پوسته اجرتیه برابر یوزر غروشدیر . طوغرودن طوغرویه اداره خانه یه ۲۰۰ غروش کونده ریلدیکی صورتده هراوچ جلدی یوللانیر .

نسخه سی ۱۰ غروشدیر .

مجله دینی و علمی

تفسیر - مفسر

تفسیر بالدرايه حقنده ماوردینك مطالعه سی

- یکن نسخه دن مابعد -

أوت . شو حدیثك تشریح مغزاسی حقنده
 سوله نمش سوزلرك هینسی برنظر تدقیقندن کچرسهك
 کافه سنی بزه مساعد بولا جغمزده شبهه یوقدرکه
 بروجه آتی برازیخی ذکر ایدلم : مثلاً دیورکه :
 (ذلول) دیمك، قارئه، حاملنه قارشى مطیع ونطق
 وتلفظنده عسرت ویرمز، یاخود استنباط احکامی
 ایچون اوغراشان مجتهدلره کولریوزلو، آچیق معنالی
 اولدیغندن یورغونلق، طورغونلق ایراث ایتمز،
 یاخود اوامر ونواهی، حلال وحرام، ترغیب
 وترهیب کبی وجوه عدیده بی جامعدر. یاخود الفاظی
 پك چوق وجهلره تفسیر و تاویلّه مساعددر دیمکدرکه
 بونلرك هیچ بری، بزم اساس مقصدمن اولان
 تفسیر بالدرايه نك جوازینه منافی دوشمه دیکى کبی
 بالعکس آنی تأیید ایلر. ابن عباسدن طرق عدیده ایلّه
 مروی اولان زیرده کی سوزلرله ده بزم دعوا مزلک
 تأکد و تأیید ایدمکچنده شبهه من یوقدر. شویله که:
 ابن جریرك طرق عدیده ایلّه ابن عباسدن تخریجه
 کوره مشار الیه بو یورمشدر که «تفسیردرت درلودر.
 برنجیسی: عربك کندی کلامنده کی ملکه سی یاردیمیلّه
 قرأنی آ کلاماسندن عبارت اولان تفسیردر.
 ایکنجیسی: هیچ بر فردك جهلنده معذور بولونمادیغی
 تفسیر. اوچنجیسی: آنجق علمانك واصل اولان
 بیله جکی تفسیر. درنجیسی اللهدن باشقه سنك
 معلومی اولمایان و یوکا دائر هر ادا ما بدیهی البطلان
 بولونان تفسیردر.»
 برنجی نوعه مثال اولق اوزره بر بدوی قیزی ایلّه

ینه بر بدوی عربك قصه لرنده کی آ کلاییشی کوسترمك
 کافیدر. شیخ الادیاء (اصمعی) دیورکه «تفتیش
 لسان عرب سوداسیله یادیده کزدیکم ائشاده ایدی که
 تخمیناً یدی یاشنی کچمه مش بر بدوی قیزینك شو
 بیتلری ترنم ایتدیکنی ایشیتدم :

استغفرالله لذنی کله قتلک انساناً بغير حله
 مثل غزال ناعم بدله انتصف الليل ولم اصله

بن، او یاشده کی قیزك آغزندن چیقان شو
 بیتلری دو یونجه «قاتلک الله ما فصحتك» یعنی «اللهدن
 بول، نه قدر فصاحتك وار» دیمشدم. بوکارقارشی
 چو حوق دیدی که : یاز یقلر اولسون سکا ! [واو حینا
 الی ام موسی ان ارضعیه فالقه فی الیم ولا تخافی ولا تحزنی
 انا رادوه الیک وجاعلوه من المرسلین] آیتنك
 یاننده بنم سوزم بر شیمیدر؟ کور میور میسك،
 بو آیتده ایکی امر، ایکی نهی، ایکی مزده بولونمقده در.
 شو آیتك معناسنی بدوی قیزینك آ کلاییشی برنجی
 نوعه مثالدر.

ینه اصمعی دیورکه : «ینه او ائشاده براعرابی،
 بنم [فورب السماء والارض انه لحق] آیتنی او قود یغمی
 دو یونجه (یا هو! انسانلر نه قدر غداردر. اللهی کیم
 بیلیر نه یه قیزدیر دیلر که یمین ایدمک مضمون جمله بی
 تأکید لزم کورویور) دیهرک دوشدی، یایلیدی
 ایشته شو بدوینك بو آیتی آ کلاییشی و دوشوب
 بایلایشی برنجی نوعك دیگر بر مثال بلیغیدر.
 ایکنجی نوع؛ احکام شرعیه و معاملات بشریه
 ودلائل توحیدیه بی متضمن و شو حقایق هر کسك
 آ کلاییشنه موافق و باشقه مقصد حملی نمکن اولماز
 بر طرزده آچیق معناری ناطق بولونان آیات کریمه ده
 قابل تطبیقدر. مثلاً [فاعلم انه لا اله الا الله] آیتنی
 دو یان هر فرد، کندیسندن توحید باری ونفی
 شرکت معناری آ کلایه جنی شبهه سزدر. اما بواده
 (لا) نك لغتده نفیه موضوع اولدیغنی و (الا) نك

اثبات ایچون بولوندیغنی ونفی وائلانک معنای حصری
مستلرم بولوندیغنی بیلمز ایمش ، اوندۀ بآس یوقدر .
كذلك [اقيموا الصلاة وآتوا الزكوة] آیتنی دویان
هر فرد ، نماز قیلیمانک ، زکات و یرمه نك نزد باریده
مطلوب اولدیغنی مقتضای آیت اولق اوزره آکلار .
اما بو آدم ، امرلرک وجوب ایچون اولدیغنی بیلمز مش ،
بوراسی مانع ادراك اولاماز . شو حالده هیچ بر
فرد ، بو خصوصده جهلاً معذور اولاماز و « نه معلوم ؟
بو آیتک معناسی بزم پیلدیگمز کی دکادر ، بناءً علیه
مذورز » دییه مز .

اوچنچی نوع ، علمانک محط اجتہادی و مواهب
السمیه نك کنزیده لرندن بولونان عقلک جولانکاه
ادراکی بولونان شو تفسیره اکثراً (تأویل) نامی
ویریلیر . چونکه ، احتمالات عدیده دن برینی ترجیح ،
بجملاتک بیانی عموماتک تخصیصی صورتیه استنباط
احکام ، شو تفسیرک آثاری جملة سندندر .

دردنچی نوع ؛ قیام قیامت ، هنکامۀ محشر ؛
ماهیت روح ، کیفیت تعذیب و تنعیم ، اوائل سورده کی
حروف مقطعه و بوکا بکزر دیکر متشابهاتدن عبارتدر که
بونلرک علمی ذات باری یه منحصردر . شو حالده
بونلری تفسیرده اجتہاده مساغ یوقدر ، مکر دیکر
برئص فرقانی اونک تأویلی کو سترمش اولا .

ایشته ابن عباسدن مروی اولان شو تقسیم ،
تفسیر بالدرايه نك نظر شرع شریفده مظهر مساعده
اولدیغنی کو ستریر .

آتهیات فاکولته سی تفسیر و تاریخ تفسیر مدرسی
برغمه لی هودت

حسن دیانت ، فطریدر

معلوم اولدینی اوزره انسانلر ایچون حسن دیانت
فطریدر . فطرت سلیمه سی حسن محافظه یه موفق
اولان رانسانک حسن دیانتدن محرومیتی تصور

اولوناماز . انسانلر آتجاق بو حسن علوی سایه سندۀ
هدایته ایرر ، ابدی بر سعادتۀ نائل اولور .
حسن دیانتله دماغی تنورایدن بر ذات دینیورکه :
بن حسن دیانتک فطری اولدیغنی کندی نفسمده
پک کوزل مشاهده ایدیورم ، بن شئون حیاتیه می
نظره آلاق دوشونیورم که بن کندی اراده واختیارم
اولقسزین بو وسعت آباد عالمه کلدم ؛ مشفق بروالده نك
کنار شفقتنده ، وظیفه شناس بریدرک ظل حمایه سندۀ
پرور شیباب اولدم ، بوتون کونلرم اسباب ذوق
وصفا ایچنده کچمکده در ؛ آشیانه استراحتم اولان
محل ، کرۀ ارضک پک لطیف ، هر طرفه ناظر بر بارچه سی
اوزرنده بولونیور ، بوجهتله کائناتک الکر و چرور
مناظری کوزلرمک اوکنده پارلایوب طورییور ،
باخصوص مائی رنگ سمانک هر طرفی پیشگاه تماشایی
اولانجه نورانیتمله ترین ایدیور ، هر صباح تماشا سیلایه
غریب بر استغراقه طالیدیگم کونشک کمال احتشام
ایله طلوعی روحمده بریجه رقیق احتساساتک تجلیسنه
خدمت ایدیور ، کیجه لرک لطافتنه کلنجه بونلرده
کو کلی دها باشقه بر فیض ایله نشو دیاب ایلور ،
فکر مده بریجه الهاماتک انکشافنه سببیت ویریور ؛
پارلاق قمرک کندینه خاص لطافتی ؛ سیاره لرک ،
ثابتۀ لرک اور و حفز المعانی وجدانی نورلر ایچنده بیراقیور .
سمانک و سواده کی اوقدر شمععه دار اجرامک
او علوی مناظرینی باشقه بر کوزلرک تنظیره چالیشارق
نظر ابتهاجی جلب ایدن ساحۀ زمینک آغوش طراوته
آلمش اولدینی بدایع خلقتنه کلنجه اک حساس
شاعرلرک بیله تصویرندن عاجز قاله جقلری درجه ده
لطیف و آهنگ پروردر ؛ هر کون او طهمک پنجره لرینی
آچوبده طاتلی طاتلی تماشا سنه طالمقده بولوندیگم
واسع اووه نك هر طرفی زمر دین آغاچلر ایله ، اک
دلنشین اکنلر ایله ، رنگارنگ چیچکلر ایله بزه نمش
بولونیور .